

ITZ-NEURTUZ

PARISEN

Iratzeder

*San Iñazioaren egunean
lehen botuen kapera*

Parisen, Jauna, zer harrabotsa
Nola bidetan ez lotsa ?

Parisen, Jauna, zer harrabotsa
Nun aurki loa, nun hatsa ?

Parise-pean, burrunben pean,
Jainko xorta bat bezala
Hiri burrunben hertzen barnean
Kaperaño bat ixila

Parisen, Jauna, zer harrabotsa
Nun aurki loa, nun hatsa ?

Parisepeko kaperañoan
Multxo bat gazte zen jautsi,

Orai lau mende, oso osoan,
Eman beharrez Jesusi.

Parisen, Jauna, zer harrabotsa
Nola bidetan ez lotsa ?

Hiri burrunben itsasoeri
Jainko xorta nausi zela,
Parisepean begiak argi
Hor zen Xabier, hor Loiola.

.....

Parisepean burrunben pean
Kaperaño bat ixila
Hor jauzi xorta, jauzi gaitzean,
Denak loratuz dabila.

ZASTADA

Otsalar

Lilirik-lili natxabin,
erleen antzera
maitemin eztitsua
nun xurkatu billa.

Aspaldi nere begiok
bira-biraka,

samurki begiztatuz
biurtzen ditun i'gana.

Andereño maitea,
nere laztana ;
asetu nai ote dun
nere biozmiña ?